


Акафист Введению во Храм Пресвятой Богородицы



Кондак 1.

Избранней Предвечным Царём Богоотроковице Марии, Ангелов и человеков Царице, пришедшей иногда в храм Господень во Свята́я Святы́х, на обручение девства Своего́ Жениху́ Небесному воспитаться в Божие Жилище, достойное поклонение усердно Тебе́ приносим, Ты же яко́ многомо́щная Засту́пница на́ша, от всяких на́с бед и скорбе́й свободи́, да с любо́вию и умиле́нием Тебе́ вопие́м:

Ра́дуйся, Богоизбра́нная Отрокови́це, вхожде́нием во храм дв́ери ра́йския на́м отве́рзшая.

Икос 1.

Арха́нгелов и А́нгелов ли́ки от небе́сных высото́к стеко́шася видети пресла́вное Твое́, о Богома́ти, во храм Господень Введе́ние и вку́пе с земны́м ли́ком чи́стых дев невидимый ли́к безплотных умов с весе́лием идя́ше, Тя, Пречи́стая Де́во, провожда́юще и яко́ сосу́д избра́нный Бо́гу повеле́нием Господним окружа́юще, и яко́ Госпоже́ свое́й служа́ще, а́ще не ви́десте та́йны Твоея́ си́лу, ви́дяще же Тя небе́сныя чи́стоты неизрече́нно испо́лнену, и вся́ бы́вшая о Тебе́ зря́ще, ужаса́хуся и со стра́хом мно́гим воспеша Тебе́ та́ко:

Ра́дуйся, прера́дованная Де́во, Ма́ти Царе́ва иму́щая бы́ти; ра́дуйся, предпочте́нная Цари́це, в храм Царе́в гряду́щая жи́ти.

Ра́дуйся, Бо́га Отца́ Дще́рь избра́нная и превознесе́нная; ра́дуйся, Бо́га Сы́на Ма́терь от ве́ка предрече́нная.

Ра́дуйся, Бо́гу Ду́ху Всесвято́му Неве́сто неискусобра́чная; ра́дуйся, всея́ Тва́ри ви́димыя и невидимыя Влады́чица превожделе́нная.

Ра́дуйся, Богоизбра́нная Отрокови́це, вхожде́нием во храм дв́ери ра́йския на́м отве́рзшая.

Конда́к 2.

Ви́дяще пра́веднии роди́тели Твоя́, Пресвята́я Де́во, я́ко три́ ле́та испо́лнишася от рождества́ Твоего́, восхотѣста соверши́ти де́лом обетова́ние свое́, е́же пе́рвое словесы́ изрекóша, да принесу́т Тя́ в да́р Бо́гу, сегó ра́ди созда́ша в Назарѣт вся́ срóдники сво́я от ца́рскаго и архиере́йскаго ро́да, и священники́ мно́гия, пригласи́ша же и ли́к чи́стых де́в, да со свещи́ горящими провожда́ют Тя́, я́ко же предрече́ Писа́ние: «приведу́тся Царю́ де́вы в сле́д Ея́, и́скренния Ея́ приведу́тся Тебе́, приведу́тся в веселии́ и ра́довании, введу́тся в хра́м Царе́в». И та́ко совоку́пльшеся вси́ и помолѣвшеся о Тебе́ Бо́гу, воспѣша́ Ему́: Аллилу́иа.

И́кос 2.

Ра́зум Небе́сный открыва́я, Богоотрокови́це, благово́лила еси́, я́ко да не в нище́тных рѹбищах предста́неши ко хра́му Царю́ Небе́сному, сегó ра́ди преоде́яна была́ еси́ со сла́вою и красо́тою мно́гою, да испо́лнится на Тебе́ Дави́да пра́отца Твоего́ предрече́ние: «Предста́ Цари́ца одесну́ю Тебе́, в ри́зах позлаще́нных оде́яна, преиспещре́на». Егда́ же, я́ко Невѣста Бо́жия преукра́шена была́ еси́ и вся́ ко всечестно́му Введе́нию Твоему́ досто́йна устрои́шася, поведо́ста Тя́ роди́тели Твоя́, я́ко трехле́тнюю а́гницу во Иерусали́м, воспѣвше́ Тебе́ та́ко:

Ра́дуйся, преоде́янная в ря́сны златы́я де́вства и чистоты́; ра́дуйся, преукра́шенная во вся́ добрóты небе́сныя красо́ты.

Ра́дуйся, Дщи́ Царе́ва всю́ сла́ву де́вственную вну́три Себе́ иму́щая; ра́дуйся, Невѣсто Бо́жия, предста́ти одесну́ю Небе́сному Жениху́ гряду́щая.

Ра́дуйся, одушевлѣнный Киво́те Бо́жий, посреде́ де́в тимпа́нниц шѣствия сво́я устраи́ай; ра́дуйся, пречи́стый Хра́м Спа́сов, ко хра́му за́конному пу́ти Сво́я напра́вляй.

Ра́дуйся, Богоизбра́нная Отрокови́це, вхожде́нием во хра́м двѣри райския́ нам отве́рзшая.

Кондак 3.

Сила Вышняго осени Тя и Дух Святыи найде на Тя и бысть Предводитель Твой, егда по трёх днех пути достигла еси града Иерусалима, и яко Кивот Божий ведома была еси ко храму Господню, Богородице Деве, да сбудется слово псаломское, глаголющее: «Видена быша шествия Твоя, Боже, шествия Бога моего Царя, иже во Святом». И тако за премногую небесную чистоту Твою, храм Божий удостоилася еси быти, идеже Дух Святыи хотяше жити да соделает Тя Жилище Своё, селение небесное, да паки исполнится на Тебе другое Писание, глаголющее: «Освятил еси Селение Своё, Вышний, Свят храм Твой, Господи, дивен в правде», сего ради да воспойм вси о Тебе: Аллилуиа.

Икос 3.

Имуще леты три, Пресвятая Деве, приведена была еси ко храму, святых же родители Твоя, ов от единых стран, ова же от друга, вземше за руки Тя, Богодарованную им Дщерь свою, кратко и честно ведоша Тя ко храму, глаголюще: «Начните Девы священныя, предшествуйте пред Богоотроковицей». Все же множество сродник и соседов знаемых и священник с веселием последоваху, свещи в руках держаще, и окружающе Тя, якоже звезды луну светлую. Стечесь же и весь Иерусалим, новое сие превозведение со удивлением зряще, Отроковицу трехлетнюю толикою славою облачаемую и таким светоношением почитаемую и воспеша Тебе таковая:

Радуйся, трилетьствующая телом, неба небеси ширшая; радуйся, многолетьствующая духом, горних сил превысшая.

Радуйся, Агнице Непорочная, девство Своё Богу в жертву чисту принеся; радуйся, Голубице Нескверная, чистотою Своёю Ангелы удивившая.

Радуйся, с девственными лики ко Господу приведенная; радуйся, с горящими светильники ко храму препровожденная.

Радуйся, Богоизбранная Отроковице, вхождением во храм двери райския нам отверзшая.

Конда́к 4.

Бўрю вну́тр имѣя помышлѣний сумнѣтельных, Первосвященник Зах́ария смятѣся, зря́ Твое́, Пречѣистая, ко хра́му Господню со славою мно́гою превожде́ние и ко врато́м на восто́ки зря́щим затворѣнным су́щим приближе́ние. Егда́ же воспомяну́ Иезеки́иля предрече́ние дрѣвнее: «Врата́ сия́ затворѣна́ бу́дут и никто́же про́йдет сквозѣ́ их, яко́ Госпо́дь Бо́г про́йдет ѿми, и бу́дут заключѣна́» исполнися́ Ду́ха Свята́го и откровѣ́ние свѣ́ше получи́в, да отве́рзет приведе́нной Богоотрокови́це заключѣ́нная врата́, возопи́ Бо́гу: Аллилу́иа.

И́кос 4.

«Слы́ши, Дщи́, и ви́ждь, и приклони́ у́хо Твое́, и забу́ди лю́ди Твоя́ и до́м отца́ Твоего́, и возжелает́ Ца́рь доброто́ы Твоея́». Та́ко глаго́лаху Тебе́, Пресвята́я Де́во, роди́тели Твоя́, егда́ приведе́на была́ еси́ ко хра́му Господню. Священни́цы же, службы́ соверша́ющия, ви́деша прише́ствие Твое́, изыдо́ша во срѣ́тение сла́вному введе́нию Твоему́, и с пе́сньми прия́ша Тя́, яко́ Ма́терь иму́щую бы́ти Архиере́я Вели́каго Небеса́ Проше́дшаго, глаго́люще:

Ра́дуйся, благово́ления Бо́жия предображе́ние, проро́ки предвозвещѣ́нная; ра́дуйся, челове́ков спасѣ́ния проповѣ́дание, на́м ны́не явлѣ́нная.

Ра́дуйся, А́нгелы Небе́сными со славою провожда́емая; ра́дуйся, иере́и Бо́жими с ра́достию сретѣ́емая.

Ра́дуйся, до́м Отца́ Твоего́ и лю́ди Твоя́ оста́вльшая; ра́дуйся, до́м Бо́жий явлѣ́нием Свои́м освятив́шая.

Ра́дуйся, Богоизбра́нная Отрокови́це, вхожде́нием во храмъ двѣ́ри райския́ на́м отве́рзшая.

Кондак 5.

Боговместимый храм бывши, Богородице Деве, ко храму законному со славою мно́гою провождена была еси, да исполнится Аггея пророка предречение: «И исполню храм сей славою, зане велия будет слава храма сего послѣдняго паче перваго, глаголет Господь Вседержитель». Мати же Твоя приведет Тя к церковному входу, глаголющи: Гряди, Дщи, ко Иже Тебе мне Даровавшему. Гряди, Кивоте освящения, к благоутробному Владыце. Гряди, Двере Жизни, к Милосердому Дателю. Гряди, Кивоте Слова, ко храму Господню. Вниди в Церковь Господню, мира радости и веселие, да воспою о Тебе Богу: Аллилуиа.

Икос 5.

Видевши Мати Твоя, Богородице Деве, иереи Божии из храма изшедшия, и Святителя великаго Захарию, во сретение Твое грядущаго, рече к нему: «Приими, Захарие, Сень Нескверную; приими, священниче, Непорочный Ковчег; приими, пророче, Кадильницу невещественнаго Угля; приими, праведниче, Кадило Духовное. Приими, о пророче, Богом дарованную Дщерь мою и введи в храм Зиждителя твоего, и введ, насади Ю в горе святыни, в готовом жилище Божием, ничтоже испытую, Тоя бо ради будет избавление», с нею же и мы возопием Тебе таковая:

Радуйся, небесныя лики возвеселившая Твоим вхождением; радуйся, иереи Божии обрадовавшая Твоим явлением.

Радуйся, Селение Небесное, храм законный паче перваго освятившая благодатию; радуйся, Небо земное, Сама Себе в жилище Христово приуготовившая чистотою.

Радуйся, Невесто Божия, яко велико и дивно предшествование Твое; радуйся, Деве Чистая, яко страшно и преславно во храме обитание Твое.

Радуйся, Богоизбранная Отроковице, вхождением во храм двери райския нам отверзшая.

Кондак 6.

Проповѣдник вхождѣния Твоего во храм Господень праведный Захарія удивися зело, видев Твое, Богородице Дѣво, по лѣствице церковней, пятнадесять стѣпень имущей, дивное восхождѣние: поставлена бывши родители Твоими на первом стѣпени, Ты абие Самá о себѣ потекла еси на прочія стѣпени скоро зело, никимже поддерживая, и на высочайший стѣпень востѣкши, стала еси, укрепляема невидимою силою Божиею; святый же Захарія, видев сие, объят бѣ Духом Божиим и рече матери Твоей: «Благословѣн Плод чрева твоего, о жѣно, преславно приведѣние твоѣ: Жизни бо Матерь истинную вводиши, како храм вместит Ю?» Темже благодаряще Бога, воспѣл Ему: Аллилуиа.

Икос 6.

Возсия радость велия всем храму законному предстоящим, егда Святитель великий Захарія, Духа Святаго исполненный, прият Тя, о Богомати, пред враты церковными, рукама своимá держá, и вводя Тя во Святая, вещаше к Тебѣ тако: О, Отроковице Нескверная! О, Дѣво Неблázная! О, Девѣце Прекрасная! О, женам украшение! О, дщѣрям удобрѣние! Ты Благословенная в женах, Ты препрославленная чистотою, Ты запечатленная дѣвством, Ты Адамовы клятвы разрешѣние. Гряди, исполнѣние моего пророчества. Гряди, совершѣние обетованій Господних. Гряди, печáте Того завета. Гряди, изъявлѣние Того совета. Гряди, исполнѣние Того таинств. Гряди, пророков всѣх Зерцáло. Гряди, обновлѣние обветшавших. Гряди, Свѣте во тьмѣ лежащих. Гряди, дарованіе новѣйшее и Божественнейшее. Вниди в радость в Церковь Господа Твоего, ныне убо в дольнюю, человеки входную, не по мнозе же в горную и неприступную». С ним же и мы воспоем Тебѣ сице:

Радуйся, Лѣствице одушевленная, ко храму Господню по степенем лѣствицы высокия востѣкшая; радуйся, Дверѣ, непроходимая человеческими помыслы, во двѣри храма вошедшая.

Радуйся, яко по степенем добродѣтелей возвысилася еси до высоты Небеснаго Алтаря; радуйся, яко на крылѣх дѣвства и чистоты достигла еси Града Великаго Царя.

Радуйся, Дом Божий на версе горы достигшая; радуйся, врата заключенная прошедшая.

Радуйся, Богоизбранная Отроковице, вхождѣнием во храм двѣри райския нам отверзающая.

Конда́к 7.

Хотя Человеколюбец Господь спасти род человець, избра Тебе еди́ну в Мать Себе и введе Тя во святы́й храм Сво́й, да тамо в уединении и тишине́ глубо́цей далече от собла́знов ми́ра сегó воспита́ешия во святы́не Господней в Бо́жие жилище. Ты́ же, игра́ющи и zeló раду́ющи, яко в черто́зе, в до́му Господни шествовала еси́, аще и ма́ла была́ еси́ во́зростом, три́ех ле́т су́щи, о́баче соверше́нна была́ еси́ благода́тию, яко предуве́денная и предузбра́нная от Бо́га пре́жде сложе́ния ми́ра, и тамо́ воспева́ла еси́ Ему́: Аллилу́иа.

И́кос 7.

Но́вая, дивна́я и ужа́сная сотвори́ о Тебе́ Господь, Богоблагодáтная, егда́ Святитель вели́кий Заха́рия, вне́ себе́ б́ыв, по та́инственному открове́нию Бо́жию введе́ Тя па́че зако́на за второ́ю заве́су, во вну́треннюю ски́нию, глаго́лемую Свята́я Святы́х, иде́же не то́чию же́нскому по́лу, но ниже́ священником подобáше входíti, но то́чию еди́ному Архиере́ю еди́ною в ле́то; подобáше бо Тебе́, яко́ Одушевле́нному Бо́жию Киво́ту, е́ще пре́жде зача́тия па́че вся́каго естества́ преиспо́лненной чистоты́, ста́ти на ме́сте зако́ннаго Киво́та Бо́жия, Иере́мием сокрове́ннаго, да испо́лнится па́ки сла́вою храм Господе́нь. Си́е пречу́дное вхожде́ние Твое́ зря́ще, вопие́м Тебе́ тако́вая:

Ра́дуйся, во Свята́я Святы́х, яко́ на не́бо земно́е возо́дшая; ра́дуйся, Свята́я Святы́х бо́льшая, яко́ к Престо́лу Бо́жию предста́вшая.

Ра́дуйся, А́нгелы удивившая, ка́ко во Свята́я Святы́х пресла́вно возо́шла еси́; ра́дуйся, челове́ки возвесели́вшая, яко́ храм Господе́нь сла́вою испо́лнила еси́.

Ра́дуйся, Черто́же Красне́йший, в нёмже жили́ще Святы́я Тро́ицы содева́ет Пресу́щественный; ра́дуйся, Престо́ле Святе́йший, на нёмже гото́вится се́сти плóтию Пребоже́ственный.

Ра́дуйся, Богоизбра́нная Отрокови́це, вхожде́нием во храм двéри райския́ нам отве́рзшая.

Конда́к 8.

Стра́нно Твое́ зача́тие и рождество́. Стра́нен о́браз возраста́ния Твоего́. Стра́нно и пресла́вно, Богоневесто́, Твое́ е́же вну́тръ Святы́лища Введе́ние, и на моли́тве пребыва́ние прѣсно́е, и вся́, я́же су́ть Твоя́: от у́тра бо да́же до тре́тьяго ча́са стоя́ла еси́ по вся́ дни на моли́тве вну́тръ Святы́лища, посѣ́м с прѣ́чими де́вы в притво́ре в рукоде́лии упражня́лася еси́, от девя́таго же ча́са па́ки в хра́ме во Свята́я Святы́х предсто́яла еси́ Бо́гу на моли́тве, в Богомы́слии и в поуче́нии Божественныхъ Писа́ний, до́ндеже А́нгел Госпо́день я́вльшеся препита́ти Тя́ небесно́ю пи́щею. Таковому́ равноа́нгельскому жити́ю Твоему́ чуда́щеся, вопие́м та́ко благово́лившему о тебѣ́ Бо́гу: Аллилу́иа.

И́кос 8.

Всю́ Тебе́ освяти́ Всесвяты́й Ду́х, вну́тръ хра́ма пребыва́ющую, Пресвята́я Де́во. Сего́ ра́ди да не косне́тся Ти́ ничто́ от земны́я скверны́, небесно́ю и нетле́нною пита́ема была́ еси́ пи́щею, подава́емую же земну́ю пи́щу раздава́ла еси́ ни́щим и стра́нным. И та́ко прие́млющи по вся́ дни от А́нгела хлѣ́б небесный, преуспева́ла еси́ му́дростию и благода́тию, тѣ́лом и ду́хом раду́ющися, да невместѣ́мое Сло́во Бо́жие непоро́чно вместѣ́ши. И бе́ Арха́нгел Гаври́ил неотсту́пный хранѣ́тель де́вственны́я чистоты́ Твоея́ и со инѣ́ми А́нгелы Бо́жиими ча́сто Тебе́ я́вляшеся, укрепля́ше Тя́ в по́двизех духо́вных, в моли́тве и постѣ́, в крѣ́тости и смире́нии и любѣ́зно бесе́доваше с Тобо́ю, Превѣ́чный Со́вет Вы́шняго о Тебе́ раскрыва́я, да бу́деши гото́ва к при́ятию Бо́жию, вопия́ к Тебе́ такова́я:

Ра́дуйся, неизрече́нных та́йн Бо́жих предѣ́вное исполне́ние; ра́дуйся, Предвѣ́чнаго Со́вета Вы́шняго всечу́дное соверше́ние.

Ра́дуйся, небесным хлѣ́бом от А́нгела неизрече́нно воспита́нная; ра́дуйся, благода́тию Бо́жией с небесе́ несказанно укрепле́нная.

Ра́дуйся, Ю́же во Свято́е Святы́х сретают́ многоочи́тии Херувѣ́ми; ра́дуйся, с Не́юже непреста́нно собесѣ́дуют шестокрыла́тии Серафи́ми.

Ра́дуйся, Богоизбра́нная Отрокови́це, вхожде́нием во хра́м двѣ́ри райския́ нам отве́рзшая.

Конда́к 9.

Всякое естество́ А́нгельское удиви́ся о превели́цей красоте́ дѣвства Твоего́, Всесвята́я Дѣво. Ты́ бо со А́нгелы во Свята́я Святы́х пребыва́ющи, Сама́ вожделела еси́ в чистоте́ А́нгельской и невреждѣнном Своём дѣвстве вѣчно жи́ти. Сего́ ра́ди пе́рвая в ми́ре дала́ еси́ о́бѣт дѣвства и обручи́ла еси́ Себя́ на прѣсное служѣние Бо́гу в чистоте́ девичестей, и уневе́стилася еси́ Ему́, да Ду́хом Святы́м приугото́вана бу́деши в чи́стое и нетле́нное Селѣние Сло́ву Бо́жию, пою́щи Ему́ де́нь и но́щь: Аллилу́иа.

И́кос 9.

Ветии́ богоглаго́ливныя не мо́гут глаго́лати, во е́же изрещи́ тайну жити́я Твоего́ в чистоте́ дѣвства во хра́ме. Богороди́це. Ра́стущей Тебе́ ле́ты, Ты́ бо де́нь от дне́ укрепля́лася еси́ ду́хом и подви́жнейшее растя́ше жити́е Твое́: с трудолю́бием бо умножа́ла еси́ моли́тву, идущи́ от си́лы в си́лу, до́ндеже Си́ла Вы́шняго осени́ Тя. Растя́ху же в Тебе́ и да́ры Свята́го Ду́ха: егда́ бо в бо́льший приходи́ла еси́ во́зраст, бо́лее упражня́лася еси́ в моли́тве, не́же в рукоде́лии, но́щи же це́лыя в моли́тве со А́нгелы проводи́ла еси́ за второ́ю завѣсою; сего́ ра́ди со удивле́нием зове́м Тебе́ такова́я:

Ра́дуйся, Свята́я Святы́х Святе́йшая Дѣво, в же́ртву чи́стую дѣвство Своё Бо́гу принѣсшая; ра́дуйся, чи́стѣйшая Свята́го Ду́ха Пала́то, в Жили́ще Христо́во Себе́ воспитав́шая.

Ра́дуйся, Две́ри Небе́сная, в хра́ме, я́ко на небеси́ пребы́вшая; ра́дуйся, Горó Усыре́нная Ду́хом, во Святы́лице все́ми добродѣ́тельми процвѣ́тшая.

Ра́дуйся, Ю́же А́нгели Бо́жии доринóсят ве́рно; ра́дуйся, Ю́же вси́ ве́рнии благодарственнó славосло́вят прѣсно.

Ра́дуйся, Богоизбра́нная Отрокови́це, вхожде́нием во храм двѣри ра́йския на́м отвѣрзшая.

Конда́к 10.

Спасе́ния на́шего весна́ ра́достная возсия́ все́м конце́м земли́ пресла́внаго Твоего́ ра́ди Введе́ния во хра́м Богоро́дице. Писа́ние мимо́иде и оскуде́ зако́н, я́ко же се́нь, вше́дшей же Тебе́ во хра́м Бо́жий, Де́во Чи́стая, лучи́ благода́ти все́м возсия́ша, просвеща́юще ду́ши и помышле́ния все́х во тьме́ неведе́ния сидя́щих. Сего́ ра́ди да ра́дуется не́бо и земля́, не́бо У́мное Гряду́щее зря́ще и А́нгелов чи́ни и челове́ков мно́жество да вопию́т: в хра́м вводи́тся ра́дость и избавле́ние все́м вопи́ющим: Аллилу́иа.

И́кос 10.

Стена́ еси́ де́вам в чистоте́ де́вства во оби́телях подвижа́ющимся, Богоро́дице Де́во, поне́же, да́вши во хра́ме обе́т де́вства Бо́гу, Ты́ дивно́ сохра́нила еси́ его́ и дости́гши ле́т двана́дцати, егда́ про́чия де́вы, при хра́ме живу́щия, сочета́хуся супру́жества по обы́чаю подзаконно́му, Ты́ откры́ла еси́ та́йну обетова́ния Твоего́, Chesó ра́ди отда́на была́ еси́ на хране́ние де́вства ста́рцу Ио́сифу, Бо́гом указа́нному возлете́нием голуби́цы от же́зла его́. И та́ко во всеце́лую добро́ту де́вства облéкшися, я́ко Невéста Бо́жия, Ты́ все́м подаéши в чистоте́ служе́ние свое́ соверша́ющим дарова́ния кро́ткаго Твоего́ и молчали́ваго ду́ха, Твою́ ти́шину, смире́ние и неизгла́голанную чистоту́, да вси́ Тобо́ю спаса́емии со благода́рением воспою́т Тебе́ си́це:

Ра́дуйся, в моли́твах во хра́ме Господне́м неусыпа́ющая, не да́ждь на́м во грехе́ усну́ти; ра́дуйся, в безмо́лвии во Свята́я Святы́х пребыва́ющая, сподо́би на́с в ти́шине живо́тней пожи́ти.

Ра́дуйся, со А́нгелы во Святи́лище прісно́ собесéднице, научи́ на́с безплóтных глаго́лам внима́ти; ра́дуйся, с чи́стыми де́вы при хра́ме сожи́тельнице, помози́ на́м в де́встве и чистоте́ жити́е свое́ соверша́ти.

Ра́дуйся, Одушевле́нный Хра́м Бо́га Жива́го, хра́мы Ду́ха Свята́го на́с сотвори́; ра́дуйся, Черто́же Вседра́гий вся́каго добродéлания, во все́х Да́рах Ду́ха Свята́го на́с утверди́.

Ра́дуйся, Богоизбра́нная Отрокови́це, вхожде́нием во хра́м двéри ра́йския на́м отвéрзшая.

Конда́к 11.

Пѣнія всеумилѣнныя от неземныхъ мусикій приношаху Тебѣ, Пресвятая Дѣво, Святїи Ангели, девическому Введѣнію Твоему служаще и весѣлие творяше и небеснии припеваху гласы, Тебѣ на службу Божию входящей, с нимиже на земли от пѣсней человеческихъ девственнии лица Господеву поют, псаломски воспевающе и чтуще Тебѣ Матерь Его. С ними же и нас сподоби чистыми умы и нескверными усты воспѣти о честномъ Введѣнии Твоемъ: Аллилуїа.

Ўкос 11.

Светопрїемная намъ возсияла еси свеща, Богородице, во храмъ Господень пришедши, радость величайшую тамо светящи и на молитве во Святая Святыхъ горящи, отонудже и облистала еси небесною чистотою всему миру, во тмѣ греховней пребывающему, да и мы со священными девами, Тя ко храму Господню светло со славою девственною проводившими, узряшемъ Тя радостно, во свете чистоты душевныя и телесныя сияюще, и воспоемъ Тебѣ похвалы таковыя:

Радуйся, Свеще Неугасимая, во Святїилище возжѣнная, священными девами провождаемая; радуйся, Заре Незаходимая, весь мир облиставшая, светлыми Ангелы во храме сретаемая.

Радуйся, Светильниче Небесныя славы, Свете нелестный во храме всемъ возсиявший; радуйся, Чертоже Божия благодати, Хлѣбе словесный из руки Ангела приявший.

Радуйся, Мати Света грядущая быти, светомъ чистоты Твоея всехъ просвещающая; радуйся, Мати Света Тихаго Сияние, теплотою молитв Твоихъ всехъ утешающая.

Радуйся, Богоизбранная Отроковице, вхождениемъ во храмъ двѣри райския намъ отверзшая.

Кондак 12.

Благодати Божия нѡвый и одушевлѣнный Кивѡт сѹщи, Богородице Дѣво, в немже вмѣсто манны чѹвственныхя и вѣщественных скрижалей вмещаются невещественныя неистошћимья дарованія Божия, достѡйно введена была еси во Святаѧ Святых, яко вместити имѹщая плѡтски Безначальное Слово Божие, идеже Силы Небесныя служажу Тебѣ, страшнии Херувими и пламенѹющию любовію Серафими осеніша Тя крылы своїми, Престоли и Господствія, Начала, Силы и Власти припадѡша к Тебѣ со Архангелы и Ангелы, вопіюще о Тебѣ: Аллилуіа.

Їкос 12.

Поюще пречестное Твое во храм Господень Введение, хвалим вси Твое пречудное во Святаѧ Святых со Ангелы спребывание и небесным хлѣбом питание, поклоняемся равноангельской дѣвственной чистотѣ Твоей, Богородице, и веруем, яко пришла еси от земнаго дома в Дом Божий, яко жертва чистая, яко дар освящен на обручение дѣвства Твоего Жениху Небесному, да уготоваешия достѡйно к нетленному и чистому Рождеству Христову в Божие Жилище. Темже тако верующе, возглаголем Тебѣ сѣце:

Радуйся, храм Господень Пречистых ног Твоих стопами освятившая; радуйся, жилище Божие от осквернения грѣшных отмывшая.

Радуйся, во Святом храме, яко на небесѣ, поклонение Горних Сил приемшая; радуйся, во Святаѧ Святых, яко на небесѣ, Престолу Божию представшая.

Радуйся, Прекрасная Девѣце, изшествием Твоим из дому отчаго во храм мир всему миру Принесшая; радуйся, Новая Голубѣце, вхождением во храм праведным в преисподней надежду впервые даровавшая.

Радуйся, Богоизбранная Отроковице, вхождением во храм двери райския нам отвѣрзшая.

Конда́к 13.

О, Всепета́я Богоотрокови́це, Прише́дшая во хра́м Господень воспитати́ся во Свята́я Святы́х в Бо́жие Жили́ще, ны́нешнее на́ше о всечестне́м Введе́нии Твоём прие́мши приноше́ния, изба́ви на́с от вся́кия скорби́ и напа́сти и искуше́ний враже́ских, очи́сти ны́ от вся́кия скве́рны плоти́ и ду́ха и сохрани́ на́с до сконча́ния на́шего в целому́дрии и чистоте́, да освяще́нии Тобо́ю досто́йны бу́дем введе́ния во оби́тели ра́йския с му́дрыми де́вами, с ни́миже да воспоём о Тебе́ Бо́гу: Аллилу́иа.

Этот конда́к чита́ется трижды, затем 1-й и́кос и 1-й конда́к.

И́кос 1.

Арха́нгелов и А́нгелов ли́ки от небе́сных высото́к стеко́шася ви́дети пресла́вное Твоё, о Богома́ти, во хра́м Господень Введе́ние и вку́пе с земным ли́ком чи́стых де́в невидимый ли́к безплотных умов с весе́лием идя́ше, Тя, Пречи́стая Де́во, провожда́юще и я́ко сосу́д избра́нный Бо́гу повеле́нием Господним окружа́юще, и я́ко Госпоже́ своёй служа́ще, а́ще не ви́десте та́йны Твоея́ си́лу, ви́дяще же Тя небе́сныя чистоты́ неизрече́нно испо́лнену, и вся́ бывшая о Тебе́ зря́ще, ужа́сахуся и со стра́хом мно́гим воспéша Тебе́ та́ко:

Ра́дуйся, прера́дованная Де́во, Ма́ти Царе́ва иму́щая бы́ти; ра́дуйся, предпочте́нная Цари́це, в хра́м Царев гряду́щая жи́ти.

Ра́дуйся, Бо́га Отца́ Дще́рь избра́нная и превознесе́нная; ра́дуйся, Бо́га Сы́на Ма́терь от ве́ка предрече́нная.

Ра́дуйся, Бо́гу Ду́ху Всесвято́му Невéсто неискусобра́чная; ра́дуйся, всея́ Тва́ри ви́димыя и невидимыя Влады́чица превожделённая.

Ра́дуйся, Богоизбра́нная Отрокови́це, вхожде́нием во хра́м двéри ра́йския на́м отве́рзшая.

Конда́к 1.

Изра́нней Предвече́нным Царе́м Богоотрокови́це Мари́и, А́нгелов и челове́ков Цари́це, прише́дшей ино́гда в хра́м Господень во Свята́я Святы́х, на обруче́ние де́вства Своёго́ Жениху́ Небе́сному воспитати́ся в Бо́жие Жили́ще, досто́йное поклонéние усер́дно Тебе́ прино́сим, Ты́ же я́ко многомощная́ Засту́пница на́ша, от вся́ких на́с бе́д и скорбе́й свободи́, да с любóвию и умилéнием Тебе́ вопи́ем:

Ра́дуйся, Богоизбра́нная Отрокови́це, вхожде́нием во хра́м двéри ра́йския на́м отве́рзшая.

Молітва первая.

О, Пресвятая Дѣво, Царица Небесі и земли, прѣжде вѣк избранная Невѣсто Божия, в послѣдняя же времена пришедшая в храм законный на обручение Жениху Небесному! Ты оставила еси люди Твоя и дом отца Твоего, во еже принести Себе в жертву чистую и непорочную Бѣгови, и первая дала еси обѣт всегдашняго дѣвства. Даруй же и нам соблюдать себѣ в целомудрии и чистотѣ и в страхѣ Божиим во вся дни живота нашего, да будем храмы Духа Святаго, наипаче помози всем в подражаніе Твое во обителех живущим и обручившим себѣ на служение Бѣгови в чистотѣ дѣвства провождати житіе свое и от юности нести иго Христово благое и легкое, свято храняще обѣты своя. Ты провела еси, Всечистая, вся дни юности Твоея во храмѣ Господнем вдали от соблазнов міра сего, в присном бодрствовании молитвенном и во всяком воздержании душевном же и телесном, помози и нам отражати вся искушения вражеския от плоти, міра и діавола находящих на ны от юности наша, и побеждати оныя молитвою и постом. Ты во храмѣ Господнем со Ангелы пребываючи, украсилася еси всеми добродетельми, наипаче же смирением, чистотою и любовію и достойно воспиталася еси, да готова будеши вместити плотию Невместимое Слово Божие. Сподоби же и нам, одержимым гордостью, невоздержанием и лѣностию, облещися во всякое совершенство духовное, да уготовает кийждо от нас с помощью Твоею одеяние брачное души своей и елей добродѣлания, да не нази и неготови явима в сретение Безсмертному Жениху нашему и Сыну Твоему, Христу Спасителю и Бѣгу нашему, но да примет ны с мудрыми дѣвами во обители райския, идеже со всеми святыми сподоби нас вину славити и прославляти всесвятѣ имя Отца и Сына и Святаго Духа и Твое милостивое заступление всегда, ныне и присно, и во веки веков. Аминь.

Молітва вторая.

К кому возопію, Владычице, к кому прибѣгну в горести моей, аще не к Тебѣ, Царице Небесная? Кто плач мой услышит и воздыханіе примет, аще не Ты, Пренепорочная, Надежда христиан и Прибежище нам, грѣшным? Кто паче Тебѣ в несчѣстиях защитит? Услыши стенаніе мое и приклони ухо Твое ко мнѣ, Владычице и Мати Бѣга моего! Не презри ищущаго Твоея помощи и не отри ни мене грѣшнаго, Царице Небесная! Научи мене исполняти волю Сына Твоего и даруй желаніе всегда слѣдовати Его святым заповедям. За мой ропот в болѣзнях, трудах и несчѣстиях не отступи от мене, но пребуди Материю и Покровительницею мене малодушнаго. Царице моя Преблагая, Заступнице Усердная! Твоим ходатайством прегрешения моя покрый, от видимых и невидимых врагов защити, сердца враждующих против мене смягчи и Христовою любовію согрей их. Мне же немощному даруй Твою всеильную помощь победита моя греховныя привычки, дабы, очищенный покаянием и послѣдующею добродетельною жизнью, в общении со Святою Церковию провел остальные дни земнаго странствія. Предстани мнѣ, Надеждо всех христиан, в час кончины моей и подкрепи мою веру в смертный тяжкий час. Вознеси за мене, многопрегрешающаго в жизни сей, Твоя всеильныя молитвы по отшествіи моем, да оправдает мене Господь и содѣлает причастником Его безконечных радостей. Аминь.